

## Sasak - Agape Kitab Suci - God's Love Letter Scriptures

Yahya 15:9 Maraq Bapa ngasihin Tiang, maraq nike ëndah Tiang ngasihin side pade, pade ndot lëq dalem kasih Tiang nike.

Yesaya 43:1,2 - Epesus 2:10 Sëngaq ite niki ciptean Jehovah, dait langan Deside Isa Almasih, Jehovah miaq ite adëq ite ngelaksaneang hal-hal saq solah saq sampun le siepang umaq ite.

Yeremia 1:5 - Galatia 1:15 Laguq lantaran rahmat Jehovah, tiang sampun tepilëq siq Jehovah sendëqman tiang tebijeang dait ngemanikang tiang jari pelayan-Ne.

Yahya 15:16 Ndëq side pade saq milëq Tiang. Laguq Tiang saq milëq side pade dait Tiang sampun netepang side pade lumbar dait ngasilang buaq dait buaqde nike ndëq iniq binase, adëq napi saq side tunas tipaq Bapa kadu aran Tiang, icanin-Ne tipaq side.

3 Yahya 1:2 Tiang bedo'e semoge side tetep sëhat dait ndëq araq saq kurang lëq side, pade maraq jiwende ëndah sëhat.

Yesaya 43:4 - 1 Petrus 2:9,10 Laguq side pade bangse saq tepilëq, imam-imam saq ngelayanin raje, bangse saq suci, umat dowën Jehovah mësaq. Jehovah milëq side pade dait ngemanikang side pade sugul lëman taoq saq peteng jari tame ojok cahaye-Ne saq menah tandur, siq maksut adëq side pade nyampëang berite mengenai karye-karye-Ne saq luar biase. 10 Laëq side pade ndëqne umat Jehovah, laguq mangkin side pade sampun jari umat Jehovah. Laëq side pade ndëq teperiak siq Jehovah, laguq mangkin side pade nerimaq belas kasihan-Ne.

Yeremia 31:3 - Epesus 1:4 Sendëqman dunie niki tecipteang, Jehovah sampun milëq ite langan Almasih siq maksut adëq ite jari dowë-Ne saq husus dait ndëq bedowë cacat cele lëq arepan-Ne. Lantaran kasih Jehovah,

2 Timotius 1:9 Jehovah nyelametang ite dait ngemanikang ite siq care saq suci. le ngelaksaneang hal nike nënten tedasarang siq napi saq sampun ite laksaneang, laguq tedasarang siq rencane-Ne mësaq dait rahmat-Ne. Jehovah ngicanin ite rahmat-Ne langan Deside Isa Almasih sendëqman dunie niki tecipteang.

Yahya 3:16 Sëngaq belëq gati kasih Jehovah tipaq manusie lëq dunie niki, jangke le ngicanin Bije-Ne saq nunggal, adëq sebilang dengan saq percaye lëq le ndëqne binase, laguq mauq idup sejati dait kekel.

Hosea 11:8; Yesaya 49:15,16; & Yesaya 41:13,14

Lukas 12:32 Ndaq takut, side saq cume sekediq jumlahne! Sēngaq Bapa side seneng ngicanin side Kerajaan-Ne nike.

Matius 28:20 Ajah ie pade taat lēq selapuq saq Tiang prēntahang tipaq side pade. Dait pade inget bahwe Tiang gen tetep bareng kance side pade jangkeahir jaman.

Yahya 14:1 "Ndaq osah angende," manik Deside Isa lēq ie pade. "Pade percaye lēq Jehovah dait pade percaye lēq Tiang ēndah.

Zabur 23:1 - Yahya 10:11 Tiang niki pengarat saq solah. Pengarat saq solah nyerahang nyawene umaq dombe-dombene.

Zabur 23:2 - Wahyu 7:17 sēngaq Anak Dombe saq melinggih lēq tengaq tengaq tahte nike gen jari pengarat ie pade. Ie gen jauq ie pade ojok embulan aiq kehidupan. Dait Jehovah gen usap selapuq aiq penenteng lēman penenteng ie pade.

Zabur 23:3,4 - Lukas 1:79 maraq nike le ngicanin cahaye-Ne tipaq selapuq dengan saq idup lēq dalem peteng dait ketakutan. Ie pimpin ite tipaq langan damē sejahtere.

Zabur 23:5,6 - 2 Korintus 1:10 le saq sampun nyelametang tiang pade lēman bahaye kematēan saq belēq nike. Dait le ēndah saq gen nyelametang tiang pade ēraq lēq jelo-jelo saq gen dateng, sēngaq tipaq ie tiang pade beharep.

Pilipi 4:7 Damē sejahtere lēman Jehovah saq ndēqne tepahamin siq pikiran manusie, gen meliharaq atē dait pikirande lēq dalem Deside Isa Almasih.

Perumpamean 3:24 & Zabur 4:8 - Yahya 14:27 Damē sejahtere Tiang adēqang umaq side pade. Damē sejahtere Tiang, Tiang bēng lēq side pade, dait napi saq Tiang bēng ndēq maraq saq tebēng siq dunie tipaq side. Ndaq osah dait takut.

Zabur 33:18 - 1 Petrus 3:12 Sēngaq Tuhan tetep merhatiang dengan-dengan saq kenaq, dait Tuhan tetep mirengang do'e-do'e ie pade saq nunas tulung; laguq Tuhan ngelawan dengan-dengan saq gawēq jahat.

Roma 5:2 Sēngaq ite beriman lēq dalem Deside Isa, langan le ite bau tame ojok dalem rahmat Jehovah, dait mangkin siq rahmat nike ite idup. Keranaq nike ite besukecrite dait beharep bahwe ite gen nerimaq kemuliean Jehovah!

Yesaya 55:12 - Lukas 19:40 Jawab Deside Isa, "Tiang badaq side! Lamun ie pade tedoq, batu-batu nike gen nyurak."

Yahya 16:22 Maraq nike ēndah side pade: Mangkin side pade susah, laguq Tiang gen bedait malik kance side pade, make angende gen jari sukecrite; dait ndēq araq sopoq dengan juaq saq bau bait sukecrite nike lēman atēnde.

Lukas 12:9 Laguq dengan saq nilas lēq julun dengan luwēq bahwe ie

pengiring Tiang, ie gen tetilas ëndah siq Bije Manusie lëq arepan malaëkat-malaëkat Jehovah.

Matius 10:30 Luwëqne bulu lëq ulunde ëndah sampun terëkëng selapuqne siq Jehovah.

Yesaya 54:10 - Matius 24:35 Langit dait gumi gen musnah, laguq manik Tiang gen kekel selaëq-laëqne.

Matius 11:28-30 Silaq dateng ojok Tiang selapuqde saq lelah dait saq bedowë bandean berat; Tiang gen bëng kelepasan tipaq side. 29 Pade turut selapuq prëntah Tiang, dait berajah lëman Tiang. Sëngaq Tiang niki lemah lembut dait rendah atë, make jiwende gen mauq ketenangan. 30 Sëngaq prëntah-prëntah Tiang nike miaq seneng dait bandean Tiang nike ëndah dëang.

Sulaiman 2:10 & Hosea 2:14,19,20

2 Korintus 11:2 Tiang kangen lëq side, maraq Jehovah mësaq ëndah kangen lëq side. Side pade maraq sopoq dedare genten saq sampun tiang janjiqang jari tetikah kance sopoq dengan mame, nike Almasih.

Exodus 3:14 - Ibrani 13:8 Deside Isa Almasih tetep pade, timaq laëq, mangkin dait jangke selaëq-laëqne.

Hosea 13:4 - Rasul-Rasul 4:12 Cume langan Deside Isa doang dengan teselametang. Sëngaq lëq seantëro dunie lëq antare manusie ndëq araq sopoq dengan lain juaq saq mauq kekuasean lëman Jehovah jari nyelametang ite.

Yahya 15:14 Side pade sahabat-sahabat Tiang lamun side pade ngelaksaneang napi saq Tiang prëntahang tipaq side pade.

Yahya 14:6 Jawab Deside Isa, "Tiang niki langan dait kebenaran dait idup. Ndëq araq sopoq dengan juaq saq bau parek tipaq Bapa lamun ndëq langan Tiang.

Wahyu 3:20 Silaq pade serioq! Tiang nganjeng lëq julu lawang dait beketok. Lamun araq dengan saq dengah suare Tiang dait bukaqang lawang, Tiang gen tame jari bedait kance ie; Tiang gen bekelor bareng ie, dait ie bekelor bareng kance Tiang.